



Nunarsuaq Tamakkerlugu Atuarneq 2021 – Atuartitsinermut ilitsersuut

Meeqqat nunarsuarmi susoqarnersoq ilisimassavaat. Nunarsuarmioqataasutut akuulluarniaraanni nunat allat aamma nunat tamat kulturii aammalu inuiaqatigiinnermik paasinnittaasiat pillugit ilisimasaqarnissaq pingaaruteqarpoq. Atuartut nunarsuaq inuuffigisartik pillugu paasisaqarneru-nissaannut 'Nunarsuaq Tamakkerlugu Atuarneq'-rup atornissaa tulluurtuuvoq.

AtuaRaketip nunarsuarmi unamminartut annersaasa ilai nunat tamalaat anguniagaat sinaakkusiullugit ukkatarai. Nunani allani nunavissuarnilu assigiinngitsuni pingasuni meeraaneq atuakkami oqaluttuatigut paasisaqarfigineqarsinnaavoq nunarsuarmilu ajornartorsiutinut tunngasunik sammisaqarnissamut aallaavissaqqilluni.

Ukioq manna AtuaRaket meeqqat nunani assigiinngitsuni tallimanit nunavissuarnit assigiinngitsunit pingasuneersunik imaqarpoq. Meeqqat AtuaRaketit siuliini saqqummersimasuneersut pulaarpagut. Ulluinnarni inuunertik ullumikkullu qanoq innertik oqaluttuaraat. Meeqqat piffinni assingiinngitsuneersut assigiinngiqisunillu atugassaqaarlutik inuusut tusarfigissavagut.

'Nunarsuaq Tamakkerlugu Atuarneq' – Hele Verden i Skole atorlugu atuartuutivit:

- Sydsudanimi, Ugandami, Colombiami, Jordanimi Burkina Fasomilu meeqqat ilikkagaqarfigisinnaavaat
- Atuarnerup nuannissusaa misigisaqarfigisinnaavaat
- Meeqqat nunani allaniittut kinaassusersisinnaavaat
- Meeqqat piginnaatitaaffii pillugit ilisimasaqalersinnaapput
- Nunarsuaq aamma kulturit allat pillugit ilisimasatik annertusarsinnaavaat
- Taaguutit: nunarsuarmioqataaneq, naligiinnginneq, piginnaatitaaffiit aamma eqqissineq eqqarsaatersorfigisinnaavaat
- Nunat tamalaat anguniagaat (FN-ip) 17-it pillugit ilinniarsinnaapput

AtuaRaket 2021 – iluatsippoq

Oxfam IBISip meeqqat tamarmik atuarfimmi pitsaasumi atuarnissamik periarfissaqarnissaat sulissutigaa. Taamaallilluni siunissaat namminerminnut, ilaquataannut nunagisaanullu pitsaanerussaaq.

'Nunarsuaq Tamakkerlugu Atuarneq/Hele Verden i Skole' ukioq manna – nunarsuarmi allatulli – corunamik ajornartooqqanermut eqqugaavoq. Taamaamat suleqatitta pitsaasut meeqqat tallimat – AtuaRaket siusinnerusukkut saqqummernikuniittut – pulaarpaat. Oxfam IBISip ukioq manna atuagaq atortussallu kisimiilluni saqqummersippai. Tamanna pisinnaasimavoq pappilissanik, kartoninik naqitertinnissaannullu tunissuteqarfigineqaratta. Aamma saqqummersitsisinaanitsinnut peqquutaapput atuakkortut titartaasartullu oqaluttualiatik titartakkatillu kusanartut akeqanngitsumik tunniunniikummatigit. Oqaluttualiaat meeqqanut allaatigineqartuni sammisanut atassuteqarput. Taamaamat ukioq manna assorsuaq nuannaarutigaarput atuakkat 100.000-t atuarfinnut Danmarkimiittunut, Kalaallit Nunaaniittunut Sydslesvigimiittunullu akeqanngitsumik



nassiussorsinnaasimagatsigit. Neriuppugut atuartsissutuliagut aamma AtuaRaketimi oqaluttuarineqartut nunarsuarmik paasisaqarnerulertitsissasut.

Nittartakkap suliarineqarnera - nittartakkamiittoq 'TIL ELEVEN'

Nittartakkap fane'ata 'TIL ELEVEN'-ip ataaniipput sammisat arfinillit. Tassaniipput allaatigisat, assit filmillu naatsut. Atuartut sammisat ataasiakkaat misissuiffigisinnaavaat aamma nunat taakkunanilu meeraalluni qanoq innersoq ilisimasaqarfiginerulerlugu. Nittartakkami allatat allanneri akullernut naleqqussagaapput uaniillutillu: <http://www.heleverdeniskole.dk/til-eleven>

Sammisani siullerni tallimani meeqqat atugaat sammivinnit assigiinngitsunit aamma sammineqarpoq inuuneq nunani pineqartuni: Uganda, Jordan, Sydsudan, Colombia, aamma Burkina Faso.



RHODA SYDSUDANIMI



JOSHUA UGANDAMI



JENNIFER COLOMBIAMI



MUNA JORDANIMI



DJUMANSI ARDJOUMALU
BURKINA FASOMI



NUNARSUARMI
ANGUNIAKKAT

Sammisat tamarmik allaatigisanik arfinilinnik imaqarput: ataaseq meeraq pillugu arlalinnik oqaluttu-arinnittoq (soorlu "Mød Rhoda"), allaatigisat sisamat meeqqamut AtuaRaketimi

allaatigineqartumut atassuteqartut, kiisalu allaatigisat arfernat nunat pillugit paasissutissat aamma nunat oqaluttuarisaa-nerannik, pinngortitartaannik klimanillu, kulturiannik ileqquliussimasaannillu, uumasuinik, ulluinnarni inuunerannik atuarfiannillu imaqartut.

Sammisat arfernanni nunat anguniagaat ukkataralugit nunani pineqartuni assersuutit erseqqissaasutigineqarput. Nunat anguniagaat taakku arfinillit toqqarpagut AtuaRaketimi oqaluttuarineqartunut immikkut pingaaruteqarmata. Tassaasut nunat anguniagaat 1 - piitsuussutsip nungutinneqarnissaanut, anguniagaq 3 - peqqissutsimut, anguniagaq 4 - ilinniartitaanermut, anguniagaq 5 - niviersiaqqat nukappiaqqallu naligiissitaanerannut, anguniagaq 10 - naligiinnginnermut minnerusumut aamma anguniagaq 16 - eqqissinnermut tunngasut.

Meeqqat AtuaRaketimiittut

'TIL ELEVEN'-imi sammisat tallimat tamarmik AtuaRaketimi allaatigineqartunut toqqaannaq atassuteqarput. Tassani atuartut nunani allani meeqqat ukioqatitik paasisaqarfiginerusinnaavaat. Filmit naatsut, assit oqaluttuallu atuaqatigiinni oqaloqatigiinnernut oqallinnernullu aallaaviusinnaapput. Taamaalluni sammisat aqutugalugu atuartut namminneq ulluinnarni atukkatik 'isit allat atorlugit' isiginalersinnaavaat nunanilu allani meeqqat inuunerannut paasinninnerulerlutik. Sammisanut attaveqaatit assigiinngitsut atornerisigut siunertaavoq atuartut nunani tallimani pissutsinut qaninnerusutut misigisimanissaat.

Suliassatut siunnersuusiaqarpoq AtuaRaketimi aamma nittartakkami meeqqanut oqaluttuarineqartunut attuumassuteqartunik. Suliassat faginut immikkoortiterlugit suliaangillat, meeqqanulli



ataasiakkaanut tunngatinneqarlutik. Suliassat nukarlernut akullernullu avitaapput uanilu qallunaatuui nassaarineqarsinnaallutik: <https://heleverdeniskole.dk/laerervejledning-og-opgaver-2021>

Nunat anguniagaat 17-it

Nunanik tallimanik sammisaqarneq aamma nunat tamalaat anguniagaannik itinerusumik sammisaqarnermut atassusersinnaavarsi. Nunarsuaq Tamakkerlugu Atuarneq (Hele Verden i Skole) nunat tamalaat anguniagaat pillugit atuartitsinissamut atortunik peqarpoq (qallunaatuut). Taakku atortut nittartakkami namminneq immikkut isertarfeqarput AtuaRaketimilu sammisaqarnermut atatillugu atorluarneqarsinnaallutik: <https://heleverdeniskole.dk/verdensmaalene>

Nunat tallimat ukioq manna sammineqartut ilisaritinnerat

Nittartakkap "Til læreren"-ita ataaniippoq PowerPoint atorlugu nunat tallimat ilisaritinnerat aamma manuskripti tassunga atasoq. Ilisarititsineq manuskriptilu ilaasoq nunat pillugit suliaqarnermi ilisarititsissutitut atorneqarsinnaapput, atuartitsinermut sivikinnerusumut sivilunerusumulluunniit sammisamik ingerlatsiniaraanni atorneqarsinnaasut: <https://heleverdeniskole.dk/praesentation-2021>

Aamma PowerPoint atorlugu nunat tallimat pillugit annertunerusumik ilisarititsinernik peqarpoq. Taakku ilinniartitsisumut atortussani nunat ataasiakkaat 'ataanniippu' nittartakkap 'BIBLIOTEK'-ani: <https://heleverdeniskole.dk/bibliotek/landetemaer>

LæseRaketten aamma AtuaRaket onlinemi aamma app'itut

LæseRaketten aamma AtuaRaket 2021 nittartakkamiippu. Nittartagaq filminik, assinik linkinullu attuumassuteqartunut innersuussanik imaqarpoq. LæseRaketten AtuaRaketilu app'itut aaneqarsinnaappu. App-i App Store-mi google Play-imiluunniit nassaarisinnaavat. Aamma LæseRaketten interaktiviusoq browserimit takuneqarsinnaavoq – computerikkut allamiilluunniit uani: <https://heleverdeniskole.dk/til-laereren/verden/laeseraketten-2021-online-og-app/>

LæseRakettenimiittut aamma AtuaRaketimiittut meeqqat pillugit suliassat

LæseRakettenimi AtuaRaketimilu meeqqat allaaserineqartut pillugit suliassat arlaqarput. Suliassat faginut immikkoortitigaanngillat meeqqanullu ataasiakkaanut atassuteqarlutik. Suliassat uaniippu: <https://heleverdeniskole.dk/til-laereren/verden/laerervejledning-og-opgaver-2021/>

Meeqqat AtuaRaketimiittut pillugit ilisimasatit misilikkat

AtuaRaket 2021-mi meeqqat allaatigineqarsimasut pillugit eqqoriagassaqarpoq. Eqqoriagassat ataatsimoorlutik dokumentimiippu immikkullu akissutit immersuiffissaqarlutik. Ataatsimut ataa-siakkaarlugilluunniit atorneqarsinnaappu uani: <https://heleverdeniskole.dk/laerervejledning-og-opgaver-2021>

AtuaRaketimi oqaluttuat SkoleTubemi Book Creatorimilu suliarineri

SkoleTube suleqatigalugu marlunnik bogskabeloniliornikuuvugut programmimi Book Creator-imi Skoletube-miittumi. Skabeloneqarpoq nukarlernut akullernullu. **Bogskabeloni**ni atuartut meeqqat allaatigineqarsimasut aamma atuakkami oqaluttuat naatsukullaliat sammisinnaavaat.



Suliassat nipit, assit, videot allagartallu atorlugit pilersitaqarluni suliaqarnissamut sammitinneqarput, atuartut meeqqat, oqaluttuat, nunat anguniagaat meeqqallu pillugit aalajangersakkat pillugit ilisimasaminnik ingerlatitseqqinnissaannut/ saqqummiussinissaannut atorsinnaapput. Qanoq ajornanngitsumik suliarineqarsinnaanersut – **bogskabelonit** videokkullu ilitersuutit uani takuneqarsinnaapput: <https://heleverdeniskole.dk/laeseraketten-i-skoletube>

Nunat tallimat sammineqartut pillugit Jeopardy-quiz

Atuartut nittartakkami sammineqartut atuareerpassuk suliarereerlugillu atuaqatigiinni quizersinnaavusi. Quizzi akullernut naatsorsuussaavoq nittartakkamilu sammineqartut tallimat aallaavigalugit: Sydsudanimi Rhoda, Ugandami Joshua, Colombiami Jennifer, Jordanimi Muna Burkina Fasomilu Djumansi Ardjournalu.

Quizzi computerinnut downloadersinnaavat – PowerPointikkut ammarneqassaaq. Ilimanarpoq allaqqasoqassasoq fili "makroer"-nik imaqartoq. Taanna akueriinnassavat, taamaangippat quizzi iluatsinnaviangilaq. Quizzen Windows-imi suliaavoq imaassinnaavorlu Apple-computerimi saqqummenera iluaattortaqartoq. Quizzi ilitersuullu uani aaneqarsinnaapput: <https://heleverdeniskole.dk/laerervejledning-og-opgaver-2021>

Sammisat ingerlanneri

Sammisat ingerlannissaannut siunnersuuteqarpoq marlunnik AtuaRaketimut nittartakkamilu atortunut atassuteqartut. Sammisat sapaatip-akunnera ilivitsaq ingerlanneqarsinnaapput, imaluunniit illit sammisaqarnissamut ilaannai toqqartorsinnaavatit:

- **NUKARLIIT: Rhoda aanani tikeraarppaa – Sydsudan angallavigalugu**

Uani sammisap ingerlanerani atuartut Rhoda AtuaRaketimiiittooq naapissavaat Sydsudanimilu oqaluttuat, assit filmillu aallaavigalugit misigisaqarfigalugu. Sammisap ingerlanera tallimanik immikkoortoqarpoq – taakku ataatsimut Sydsudanip angallavigineranik misigititsissapput. Rhoda angerlarsimaffianiit, angalanerani aanaminillu takoqqinnerani peqatigissavarsi.

- **AKULLIIT: AtuaRaket nunarsuarmi angalaqatigiuk**

Sammisap uuma aallaavigaa ukioq manna AtuaRaketip nunanut tallimanut angalanera. Ataatsimut ilisarititsinerup kingorna atuartut eqimattani nunat arlaat itisilerlugu sammissavaat. Eqimattat suliart naggaserlugit suliarisimasatik atuaqatiminnut saqqummiutissavaat. Sammisami uani aamma nittartakkami sammisani atortut atorpagut – AtuaRaket nunat pineqartut tikeraaqaarneranni suliarineqarsimasut.

Taakku saniatigut nunat taakku tallimat pillugit sammisat ingerlanneqarsinnaasut nukarlernut, akullernut angajullernullu nassaarineqarsinnaapput, AtuaRaketip nunat taakku tikeraaqaarmagut suliarineqarsimasut. Nunat sammineqarsimasut ilinniartitsisumut atortussartaani nittartakkap BIBLIOTEK-iani nassaassaapput: <https://heleverdeniskole.dk/bibliotek/landetemaer>



Nunarsuaq - malugissutsit tamaasa atorlugit

Nittartakkap TIL ELEVEN-iani suliassat sammisaqarnissamullu isumassarsiorfiusinnaasut, fagit mernguernartut ilannguttarlugit, fagit akimorlugit sammineqarsinnaasut nassaarineqarsinnaapput. Imaaliorsinnaavusi:

- Sydsudanimiutut, Burkina Fasomiutut Jordanimiutullu nerisassiorneq ilinniarsinnaavarsi uani:
<https://heleverdeniskole.dk/bag-broed-og-spil-tungali>
<https://heleverdeniskole.dk/mad-og-drikke>
<https://heleverdeniskole.dk/spis-og-flet>
- Pinnguaatit Ugandamit Sydsudanimillu ilinniarsinnaavasi uani:
<https://heleverdeniskole.dk/bag-broed-og-spil-tungali>
<https://heleverdeniskole.dk/laer-spille-lawic>
- Colombiami naggueqatigiit wayuut taakkunanilu ilaqtariissuit ilisarnaatit pigisaat assassor- tagaallu pillugit ilinniarsinnaavusi. Nissikullattaaneq qilersuinerlu aamma allaliornermik suliaqarneq ilinniarsinnaavasi uani:
<https://heleverdeniskole.dk/wayuu-folkets-slaegter>
<https://heleverdeniskole.dk/wayuu-folket-vaever>
- Illuliornissamut ilisserut/skabeloni nassaarisinnaavarsi aamma tamanik inissaqartitsineq Munallu angerlarsimaffivimmik takorlugaa sammisinnaavasi:
<https://heleverdeniskole.dk/droemmen-om-et-hjem>
- Djumansitut nujanik perlaasineq qilersinerlu misilissinnaavasi:
<https://heleverdeniskole.dk/spis-og-flet>

Sammisat ilivitsut mernguernartunik suliassartallit nassaarineqarsinnaapput, AtuaRaketip nunat pineqartut siullermik tikeraarmagit suliarineqarsimasut.

- Uganda: <https://heleverdeniskole.dk/bibliotek/uganda/uganda-med-alle-sanser>
- Sydsudan: <https://heleverdeniskole.dk/bibliotek/sydsudan/sydsudan-med-alle-sanser>
- Colombia: <https://heleverdeniskole.dk/colombiamedallesanser>
- Jordan: <https://heleverdeniskole.dk/bibliotek/jordan/jordan-med-alle-sanser>
- Burkina Faso: <https://heleverdeniskole.dk/bibliotek/burkina-faso/vaer-kreativ>

Assit filmillu atoriaannaat

Nittartakkamiipput assit suliassinnut atoriaannaat.

SkoleTube-mi ressourcekanaliliortoqarsimavoq assinik filminillu imalik atuartut ajornanngitsumik aasinnaasaannik suliaminnullu toqqaannartumik atorsinnaasaannik. SkoleTube-mi atortut aqutugalugit atuartut assit filmillu ressourcekanalimiittut toqqaannaq iserfigisinnaavaat.



Nittartakkami kanalimut qanoq ilanngussinnaanersutit ilitersuuteqarpoq, uani:

<https://heleverdeniskole.dk/foto-og-film-til-fri-brug-2021>

Filmiliorneq

Aamma SkoleTube ressourcekanaliani meeqqat AtuaRaketiittut pillugit filmit atuartut qanoq iserfigisinnaaneraat takusinnaavat. Namminerlu filmiliorsinnaaniassagassi qanoq WeVideomi atortut atornerqarsinnaanersut ilinniarlugit. Nittartakkami allersaalluni uaniippoq:

<https://heleverdeniskole.dk/laeseraketten-i-skoletube>

Meebookimi sammisaqarneq

AtuaRaket/LæseRaketten 2021 aamma Meebookimi sammisinnaavarsi. AtuaRaket LæseRaketten 2021, atuakkat ukiut siuliini saqqummersitat, nunat pineqartut pillugit sammineqarsimasut, pinnguaatit allarpassuillu ShareIT-imi Meebookimiittumi nassaarisinnaavasi. Atuartitsissutissat ukiumut pilersaarutinnut ilanngussinnaavatit. Atuartitsissutissaatigut tamarmik ShareIT-imi pissarsiarineqarsinnaapput. Uani LæseRaketten ujaruk: <https://app.meebook.com/meebooks>

AtuaRakatimi oqaluttualiatut allatat suliassartaat

AtuaRaketip naatsukullaliartai nukarlernut akullernullu suliassartaqarput. Oqaluttuavianut suliassaqarpoq, aammali suliassat nunat tamat anguniagaannut naleqqussakkat AtuaRaketip imarisaanut tamarmut attuumassuteqartut.

Suliassat nittartakkami uani allersaallutik nassaassaapput:

<https://heleverdeniskole.dk/laerervejledning-og-opgaver-2021>

AtuaRaket 2021-mi oqaluttualiat naatsukullaliat

Mogens Lyhne: BANANKAAGI

Oqaluttuami inuttaavoq Maja, taassuma qitittunik videoliat atuarnerninngaanniit soqutiginarnerutippai. Majap atuarsinnaanerup aamma anguniagaqarluni sorsuuteqarsinnaanerup pingaassusai paasivai. Oqaluttuap qulequttat nunat tamalaat anguniagaannut 4-mut – ilinniartitaaneq pitsaassusilik – aamma 16-imut – nunarsuarmi eqqissinnermut naapertuilluarnermullu – atassuteqarput.

Cecilie Eken: ANORAANNGUAQ

Cecilie Ekenip oqaluttuaq "Den blide vind" – kalaallisuunngortinnerani "Anorannguaq" atuartut pilersitseqatigalugit allassimavaa, nukappiaqqamik Godwinimik ikinngutitaavanillu Ibrahimimik, atukkatigut naligiinnginnermik, ussarnartorsiornermik isumakkeerfiginninnermillu imaqartoq. Oqaluttuaq nunat anguniagaannut 1-imut – piitsuussusermut aamma nunat anguniagaannut 10-mut – naligiinnginnermut atassuteqarpoq.

Lise Bidstrup: QARMARSUAQ AAPPAALAARTOQ

Oqaluttuaq silarsuarmi mogulit naalagaaffigisaanni nerisassallu killilersugaaffigisaanni pivoq. Oqaluttuami Dingi ikinngutaalu Jonah tusarpagut – aqutsisuusut pillugit assigiinngitsumik



isiginnittaasillit. Sammineqartut nunat anguniagaat 10 – naligiinnginnermut tunngasoq aamma nunat anguniagaat 13 silap pissusiata allanngoriartorneranut tunngasoq uagutsinnullu sunniutai.

AtuaRaketimiittut Rhoda Jenniferilu allaffigikkit

Ukioq manna atuartut postkortinik titartakkanilluunniit Rhoda Sydsudanimiittoq aamma Jennifer Colombiamiittoq nassissinnaavaat. Pitsaassaaq atuartut tuluttut allakkusussappata. Aamma nittartakkami ark'it oqaatsit ataasiakkaat - qallunaatumut nutsikkat - spaniamiusoortut (Jenniferimut allanniaaraanni) aamma dinkat oqaasiatut (Rhodamut allanniaaraanni) nassaarineqarsinnaapput uani: <https://heleverdeniskole.dk/send-post-til-laeserakettens-boern>

Allakkat Oxfam IBISip tigoreersimassavai 1. juni 2021, uunga nassiutissapput:

Oxfam IBIS
Vesterbrogade 2 b
1620 København v.
Att: Hele Verden i Skole

Sapaatip-akunnera sunniinarfiusoq peqataaffigisiuk – nappaagit isummallu takutillugu

Meeqqat tamarmik pitsaasumik ilinniagaqarnissamik pisinnaatitaaffeqarput. Sulili nunarsuarmi meeqqat 59 millionit atuarfimmulluunniit isernikuunngillat. Tamanna iliuuseqarfisariaqarpoq! 2030-nngornissaanut ukiut qulingiluannanngorput, nunarsuarmi siuttut neriorsuinikuupput meeqqat tamarmik taamaalippat atualersimassasut. Coronamik ajornartorsiornerpaaffiup nalaani 2020-mi nunat amerlasuut matusimmata meeqqat quliugaangata qulingilu atuarneq ajorput. Meeqqat taakku sulil naluuat qaqugu atualeqqissanerlutik atualeqqinngisaannassanerlutilluunniit.

Nunarsuarmi siuttut nunat anguniagaat 17-it atsioqataaffiginikuuat, tassani anguniakkani 4 – pitsaasumik ilinniagaqarnissamik imaqarpoq. Sapaatip-akunnerani sunniinarfiusumi politikerit neriorsuutigisimasaannik eqqaasissavagut, meeqqat tamarmik pitsaasumik atuarfeqartiler-niassagatsigit.

Politikerit nappaaffigikkit

Politikerit meeqqat tusaassavaat. Sapaatip-akunnerani sunniinarfiusumi atuartut isummatik takutissavaat. Atuartut nalunngilaat qanoq iliorunik iluamik tusaaniarneqassanerlutik: Nappaasarput. Oqariartuut tusaaneqarniassamat amerlaqalusi nappaasinnaavusi.

Assaat angisuut pappiaqqamut qeratasuumut qiortassavasi. Nunarsuarmi meeqqanut tamanut atuarfik pitsaasoq qanoq ittuunersoq titartarsiuk allalluguluunniit. Nittartakkami assaliornissamut ilisserusiat, aamma iliuusissat ullullu pisoqarfiusussat nalunaarutigineqarfiat uaniipput: <https://heleverdeniskole.dk/aktionsugen-2021>



Sapaatip-akunnera sunniinarfiusoq sapaatip-akunnera 16-imi peqataaffigineqarsinnaavoq imaluunniit assaliasi Oxfam IBISimut nassiussinnaavasi – taava taakku politikerinut anngunneqar-nissaat isumagissavaat.

Assaat nassiussasi tiguneqareersimassapput ulloq 9. april 2021, nassiussiffissaq:

Oxfam IBIS

Vesterbrogade 2B

1620 København V

Att: Hele Verden i Skole



Naatsukullaliat suliassartai

NUKARLIIT

Mogens Lyhne: "Banankaagi"

Oqaluttuap paasilluarnissaa:

- Oqaluttuap atuffassissutigineqassaaq imaalu oqallisigalugu.
- Oqaluttuap ateqarpoq "Banankaagi" Soormita taama ateqarpa? Sunalu imaraa?
- Oqaluttuami sammineqartut allattarfissuarmut allattorsigit.

Oqaluttuap misissorluarnissaa:

- Inuttap pingaernerup – Majap pissusia eqqartorsiuk. Maja pillugu annertunerusumik paasisaqarusukkussi 'Maja issiavimmut kissalaartumut ingitillugu' apeqqarissaarfigisinnaavarsi, (amma takuneqarsinnaavoq 'AtuaRaketimi meeqqanut allaaserineqartunut suliassat' - ni qanoq ingerlanneqarsimanersoq.)
- Assit qimerloorsigit oqallisigalugillu. Assit oqaluttuamut tulluarpat? Oqaluttuap assitaasa ilasaanik ataatsimik titartaagitsi.
- Ordkortilioritsi qulequtserlugu Maja amma Malala. Assigiinngissutaat assigiiffiilu oqallisigisigit
- Majakkut atuaqatigiit Malala pillugu oqaluttuap qanoq igerlugu allasasut suliassinneqarput. Immikkoortoq Malala pillugu allataq qupp. 22-imiittoq atuaqqissiuk. Qupp. 30-imi Majap suliassaa atuarsinnaavarsi. Nammineq taamatut allaaserinnigitsi – kisimiillusi allaqateqarlusiluunniit.
- **Majap qitittunik videoliat nuannarai.** Qititassaliorsinnaavisi Majamik Malalamillu oqaluttuarinnittumik? Eqimattani suliarsineqarsinnaavoq videoliarineqarsinnaallunilu.
- SkoleTubemi atortut ilaat ateqarpoq Book Creator. Nukarlernut atortussani 'Banankagen' -imi allanik suliassanik annikitsunik peqarpoq, taakku amma suliarsineqarsinnaapput, uaniipput: <https://heleverdeniskole.dk/til-laereren/verden/laeseraketten-i-book-creator/>

Malala pillugu paasissutissat allat:

2014-imi Malala Nobelip Eqqissinermut suliniuteqarsimasunut akissarsiaritittagaa pissarsiaraa angut indiamiu Kailash Satyarthi akissarseqatigalugu. Kailash ukiorpassuarni meeqqat sulisoqarineqartarnerat akiorniarlugu suliniuteqarsimavoq – Malalap meeqqat tamarmik (ingammik niviarsiaqqat) atuartuunissaat suliuniutigaa. Nobelip Eqqissinermut akissarsiaritittagaa pillugu atuartut oqaluttuutikkitt.

- Oqallisigisiuk taakku marluk qanoq imminnut ataqatigiinnersut. Atuartuunissamik piginnaatitaaffeqarneq meeqqallu sulisorineqartarnerannik inerteqquteqalersitsiniarneq. Malala Osloomi akissarsisinnegarami oqalugiaataata ilaa takusinnaavarsi. Uani: <https://nyheder.tv2.dk/udland/2014-12-10-malala-holdt-roerende-tale-tak-far-for-at-lade-mig-flyve>



Malalap oqalugiaataata ilamerna atuarsinnaavarsi, aana:

Una akissarsiaq uannuinaq tunnganngilaq. Meeqqanut puigorneqarsimasunut - ilinniagaqarnissamik kissaateqartunut tunngavoq. Meeqqanut ersiortunut - eqqissinissamik kissaateqartunut tunngavoq. Meeqqanut tusarneqarneq ajortunut - allanngortoqarnissaanik kissaateqartunut tunngavoq. Uanga maaniippunga tusaaneqarnissamik piginnaatitaaffeqarnerat suliniutigissallugu... Marlunnik periarfissaqarsimavunga. Siulleq tassaasimavoq nipangiinnarlunga toqutaanissama utaqqinissaa. Aappaa tassaasimavoq akerliliinissara toqutaallungalu. Periarfissaq kingulleq toqqarpara. Akerliliissallunga aalajangerpunga. Uanga tassaavunga nivarsiaqqat 66 millionit ilinniagaqartussaannngitsut. Ilissinnut oqalugiaruma nipiga tusaanngilarsi. Nivarsiaqqat 66 mill. nipaata tusaavarsi. Asasakka meeraqatikka, immaqa inersimasut paasisinnaavaat, uagulli meeraasugut paasinngilarput. Sooruna nunat 'pissaanilinnik' taasakkagut sorsutsitsileraangamik taamak pissaaneqartartigisut, eqqissineqarnissaali anguniarsarileraangamikku taama sanngiittartigisut? Sooruna? Meeqqamik sorsunnermi toqusoqaqqinngikkili. Meeqqamik atuarfimmik anisariaqartoqaqqinngikkili. Tamakku maanna unitsillik. Tamakku unitsitsigit ... ataatsimoorluta ... ullumi ...massakkoqqissaamiit. Massakku unitsinnissaat suliarilertigit. Qujanarujussuaq.

- Oqalugiaataa qanoq igaasiuk? Oqalugiaataani suna pingaarnersaava? Nivarsiaqqat 66 millionit oqaasissaat oqaatigigaa - qanorpiaruna tamanna paasisariaqartoq?

"Banankaagi" aamma nunat anguniagaat 4 aamma 16

Nunat anguniagaat 4 -mi pitsaasumik ilinniagaqarnissamik imaqqarpoq. Oqaluttuami sammisat ilagaat atuartuuneq aamma atuarsinnaaneq allassinnaanerlu.

Nunat anguniagaat 4 pillugu allaaserisaq nittartakkami atuarsinnaavarsi uani:

<https://heleverdeniskole.dk/verdensmaal-4-uddannelse/>

- Sooruna atuarfimmi pitsaasumi atuarnissaq pingaaruteqartoq?
- Atuaqatigiit atuarnissamat tunngavilersuutaat 5-it pingaarnerpaat allassigit.
- Atuaqatigiit atuarsinnaanissamat allassinnaanissamullu tunngavilersuutaat pingaarnerit 5-it allassigit.
- Immaqa atuarfimmi atuartut allat siunnersuutissaqarput. Atuartut marlukkaarlutik voxpop suliarisinnaavaat, taava atuartut allat 5-it isumaannik apersorlugit. Voxpopimi akissutit pingaarnerit saqqummiussigit atuaqatigiillusilu oqallisigalugit.



Nunat anguniagaat 16 – eqqissinermik naapertuilluarnermillu ilaatigut imaqarpoq. Malalap aamma nunarsuarmi eqqissineq eqqartorpaa meeqqat sorsuttoqarnera peqqutigalugu toqutaasannginniassammata. Nunat anguniagaat 16 pillugu allaatigisaq naatsoq nittartakkami atuarsinnaavarsi uani: <https://heleverdeniskole.dk/verdensmaal-16-fred/>

Nunat anguniagaat 17-it annertunerusumik paasisaqarfigerusukkussigit nassaarisinnaavasi uani: <https://heleverdeniskole.dk/verdensmaalene/de-17-maal/>

AKULLIIT

Cecilie Eken: "Anoraannguaq"

Oqaluttuap paasilluarnissaa:

- Oqaluttuag atuariuk imaalu naatsumik oqallisigalugu.
- Ordkortit 10-t aallaavigalugit oqaluttuag oqaluttuareqqinneqassaaq. Atuartut eqimattani imminnut oqaluttuareqqiiffigisinnaapput.
- Oqaluttuag ateqarpoq 'Anoraannguaq', sooruna taama ateqartoq? Atia tusarassiuk ilissi qanoq eqqarsarpisi? Aamma erinarsuut "Vinden lytter til dig" tusarnaarsinnaavarsi uani: <https://heleverdeniskole.dk/til-laereren/verden/den-blide-vind-fra-dansk-sang/>
Aamma Zikazakkut "Anoraannguaq" youtubemiittoq tusarnaarsinnaavarsi imarisaalu oqallisigalugu.

Oqaluttuap misissorluarnissaa:

- Sooruna Godwinip pinnersaat tigugaa? Suniaraajuna?
- Oqaluttuami assitaliussat:
 - Assitaliussat oqaluttuarisigit. Periuseq qanoq ittoq – teknik qanoq ittoq atorreqarsimassangatippisiuk?
 - Kiattup orpippassui kakaoinillu naatitsivik Godwinip arpaffigisai qalipallugu assilialiarisiuk. Qupp. 55-imi naatsumik oqaluttuarineqarpoq qupp. 55-56-imilu assiliartaqarluni.

Oqaluttuag isiginnaartitsissutigisiuk imaluunniit filmilialalugu (tamarmik eqimattani suliarineqarsinnaapput, eqimattap ataatsip oqaluttuami immikkoortut arlaat takutissavaa).

- Oqaluttuap immikkoortui tallimat:
 - 1: Godwinip atuarfimiilluni ataataami ajutoorsimanera tusarparaa.
 - 2: Godwin napparsimaviliarpoq Ibrahimilu siullerpaamik naapillugu.
 - 3: Godwin napparsimavialiaqqippoq Ibrahimilu aappassaa naapillugu.
 - 4: Godwin pinnersaat nassarlugu angerlamut arpappoq – uteqqillunili.
 - 5: Godwin Ibrahimillu angajoqqaavi illoqarfieeqqamut pipput.
- **Ilanngutassamik allaatigisaliorsit:** Godwinikkut illoqarfeeraani ajutoortoqareernerata kingorna. Qupp. 55-imi Godwinip ataataa susimanersoq qanorlu napparsimaviliarnersoq naatsumik tusarparput. Pisoqarnerani allaatigineqanngitsortaani susoqarsimanersoq takorloorsiuk. Ajutoorneq



naatsumik ilanngutassiaralugu allaatigisaliorsiti. Allaatigisaliulerussi "Nutaarsiassalerinermi pingaarnersiueriaaseq" (Ilanngussaq 1) takusinnaavarsi. Aamma qanoq ilanngutassiat pitsaasut sularineqarsinnaansut annertunerusumik uani atuarsinnaavusi:

<https://heleverdeniskole.dk/bibliotek/nyhedstrekanten/>

• **Sankofa – iluseq/qiperugaq oqariartaaserlu**

• Qupp. 61-imi Ibrahimip arnaa qiperukkamik timmiamik sankofamik taasaminnik pisivoq. Iluseq/qiperugaq oqariartaaserlu tassunga atasooq oqallisigisigit. Oqariartaaseq qanoq paasinerlugu oqalligisigiuk aamma oqaluttuami qanoq isumaqartinneqarnersoq.

• Iluseq/qiperugaq aamma qanga, maanna siunissamullu tunngasunik imaqsinnaavoq. PDF –i "Sankofa" (Ilanngussaq 2) takusiuk. Tassani nassuiaat oqaluttuami uani atornerqarsinnaava? Aap/naamik sooq?

• Ghanamiut oqariartaasii allat takorusukkussigit uani allattukkat takusinnaavasi:

<http://ulandskalender.ibis.dk/indhold/ghanesiske-ordsprog>

• **SkoleTube** –mi atortut ilaat ateqarpoq Book Creator. Akullernut atortussiani 'Anoraannguaq'-mut suliassaqqarpoq – taakku aamma sularisinnaavasi:

<https://heleverdeniskole.dk/til-laereren/verden/laeseraketten-i-book-creator/>

Ghanamut tunngasut allat

"Anoraannguaq" Afrikap kitaani Ghanami pisutut oqaluttuarineqarpoq.

- Nunarsuup assingani Ghana nassaarisiuk. Imaassinnaavoq Ghana taassumalu oqaluttuassartaanik annertunerusumik paasisaqqarusuttusi.

Danmark Ghanalu oqaluttuarisaanermi ataatsimoorfeqarput kuultinut inussianullu tunngasumik. Ukiut hunnorujut arlallit matuma siorna europamiut immakut nunarsuaq angallavigaat (Asia, Afrika, Amerika Kujalleq) niuerlutik aningaasannanniarlutillu. Danskite umiarsuaat Ghanap sineriaanut pisimapput. Taamani Guinea-kystenimik taaguuteqarpoq. Ingerlaannangajak taaneqartalerpoq Guldkysten - kuulti niuissutaasarmat. Umiarsuaq siulleq 1658-imi tikippoq. Kingorna sineriak aamma taaneqartalerpoq Slavekysten inussiat aamma niuerutigineqartarmata.

Kakao

Godwinip angutaa kakaoimik naatitsivimmi sulisarpoq. Ghanami kakaoit annertuumik tunisassiarineqartarput. Nunami namminneq kakao atorpiarneq ajorpaat. Nunanut allanut tunineqartarpoq sukkulaanngorlugu nioqqutissiarineqartarluni.

- Kakao qanoq naatinneqartarpa? Nittartakkami uani takusinnaavarsi:

<https://heleverdeniskole.dk/laerervejledning-og-opgaver-2021/>

- Nammineq titartakkanik oqaluttualioritsi – tegneserie. Kakaoit puunut ikiorarneqareeraangata susoqartarpa? Qanoq ilillutik nunatsinnut pisarpat? Aamma qanoq ilillutik sukkulaanngortarpat?

PDF innersuussarput siusinnerusukkat Oxfam IBISip (taamani IBISinnarmik ateqarallarmat) Toms'illu 2007-2010-mi meeqqat kakaoimik naatitsisiveqarfiusuni najugallit atualersinnissaat suleqatigiillutik



suliniutiginerani suliaaraat. Aamma taamani atuartsineq pitsaanerulerniassammat ilinniartitsisut ilinniartinneqarnissaat sulissutigineqarpoq.

'Anoraannguaq' aamma nunat anguniagaat 1 aamma 10

Nunat anguniagaat 1 imaqqarpoq piitsuussutsip atorunnaarsinneqarnissaanik, 10 imaqqarpoq atukkatigut assigiinngissutsip annikillissarnissaanik. Nunat anguniagaat 1 aamma 10 pillugit allaatigisat naatsut atuarsinnaavasi uani:

<https://heleverdeniskole.dk/til-eleven/verden/verdensmaal-1-fattigdom/>

<https://heleverdeniskole.dk/til-eleven/verden/verdensmaal-10-ulighed/>

- Atuaqatigiinni oqallisigisiuk nunat anguniagaat 1 aamma 10 qanoq oqaluttuami saqqummernersut/ersersinneqarnersut.
- Nukappiaqqat marluk Godwin aamma Ibrahim oqaluttuarisigit. Assigiinngiffii assigiiffiilu immikkut maluginiarsigit. Oqaluttuamit tigulaarisarlusi assersuusiortarlusi.
- Illoqarfeeqqami pisuujunerpaaq Addai (qupp. 56 tak.) naatsumik oqaluttuarisiuk. Godwinip ilaqtai ikiortuarneruniarlugit qanoq iliorsimasinnaagaluarpa?

Anguniakkat 17-it pillugit uani paasisaqarnerusinnaavasi:

<https://heleverdeniskole.dk/verdensmaalene/de-17-maal/>

Lise Bidstrup: "Qarmarsuaq aappalaartoq"

- Oqaluttuaq atuarsiuk imaalu naatsumik oqallisigalugu. Naatsumik oqaatigalugu suna imaraa/pineqarpa?
- **Oqaluttuap paasilluarnissaa:**
 - Oqaluttuaq immikkoortunut naatsunut agguarsiuk quleqtsertarlugu. Ass. Dingi nerisassanik aallerpoq, nappaammik centimik tusatsiakkat, Jonap Dingillu mogulit oqallisigaat....
 - Oqaluttuap iluarsartuunnerata ilusaa (Berettermodel) atorsiuk (Ilanngussaq 3), immikkoortullu 'point of no return' (oqaluttuami 'uteriartoqarsinnaajunnaarnera') aamma allatap pisoqarfiunerpaaffia(klimaks) immikkut maluginiarsigit. Nittartakkami uaniipput:
<https://heleverdeniskole.dk/laerervejledning-og-opgaver-2021/>
- **Oqaluttuap misissorluarnissaa:**
 - Atuaqatigiinni oqallisigisiuk oqaluttuaq nunarsuup suani piffissamilu sumi (massakkut, qanga imaluunniit siunissami) pisimasuutinneqarnersooq. Oqaluttuamit tigulaarillusi assersuusiortarlusi.
 - Genre sorleq malillugu atuakkiortoq allassimasoraasiuk? Fantasy, science fiction imaluunniit oqaluttuaq nuannersooq? Genret sammereersimanngikkussigit ilinniartitsisoq genret assigiinngitsut pillugit nassuiaassaaq.
 - Oqaluttuaq ateqarpoq "Qarmarsuaq aappalaartoq" – sooruna taama ateqartoq? Aamma qarmarsuaq aappalaartoq oqaluttuami qanoq inissisimava? Oqaluttuamit tigulaarillusi assersuuteqartaritsi.



- Dingip Jonahllu najugaqarfiat oqaluttuarisiuk. Qarmarsuup saniatigut nunasiaqarfiit, assiaqutit, mogulit, lastbilit nerisassanik aggiussisartut aamma tusarpagut...
- Qarmami putukkut nukappiaqqat alakkarmata takusaat oqaluttuarisiuk. Aamma asseq qupp. 81-imiittoq atorsinnaavarsi.
- **Inuttaasut eqqartorsigit** Dingi Jonahlu. Assimi qupp. 77-imi isikkui assigiinneqqaat. Oqaluttuami qanoq inissisimanersut nassuiarsiuk.
- **Ilusilersorlugit sanasigit** taakku immikkoortut najugaqarfiit marluk: illoqarfik aamma 'qarmarsuup ilua'. Sanaassinnut ordkortinik assigiinngitsunik ilioraagitsi suunerinik nassuiaatinik – soorlu katersugaasivimmi allagartaliunneqartartut assiginik. Aamma nassuiaataasunik allagartaliorsit: Mogulit kikkuuppat? Centimik nappaalaneq sunaana? Aqutseriaaseq suna najugaqarfissiami atornerqarpa? Sunaana taanna ukiut 37-it siorna 'Pikitsitsinersuaq'? Qarmarsuaq aappalaartoq qanoq isumaqartinneqarpa? Ilusilersuerusunngikkussi nassuiaatit allattuinnarsinnaavasi.
- **Oqaluttuap assiliartai.** Assiliartai eqqartorsigit. Assit tamarmik (qupp. 81 minillugu) aappaluttuupput qasertuullutillu. Tamanna qanoq sunniuteqarpa? Qalipaait qanoq sunniuteqarpat/ isumaqarpat? Qarmarsuup aappaluttuunera arlaannik peqquteqarpa? Qalipaait taakkunungalu nassuiaataasinnaasut pillugit linkimi uani takusaqarsinnaavusi: <https://indidansk.dk/farver>
- **Jonah-na susimasooq?** Oqaluttuap nanginnera/naanera suliarisiuk. Qulaani oqaluttuamut tunngatillugu suliasani maluginiakkasi tamaasa atorsigit.
- Ataatsimoorlusi oqaluttuamik isumasiuinersi oqallisigisiuk. Susoqarsimasoruna? Sunaana atuakkiortup oqaluttualiani atorlugu oqariartuutigerusukkaa?
- **SkoleTube**-mi atortut ilaat ateqarpoq Book Creator. Akullernut atortussami 'Qarmarsuaq aappalaartoq'-mut suliasaqarpoq – taakku aamma suliarinissaat toqqarsinnaavarsi: <https://heleverdeniskole.dk/til-laereren/verden/laeseraketten-i-book-creator/>

'Qarmarsuaq aappalaartoq' aamma nunat anguniagaat 10 aamma 13

Nunat anguniagaat 10 imaqarpoq nunarsuarmi atukkatigut assigiinngissutsip annikillissarnissaanik.

Nunat anguniagaat 10 pillugu allaatigisaq naatsoq atuarsinnaavarsi nittartakkami uani :

<https://heleverdeniskole.dk/til-eleven/verden/verdensmaal-10-ulighed/>

- Atuaqatigiillusi oqallisigisiuk nunat anguniagaat 10 qanoq oqaluttuami ersersinneqarnerooq.
- Qupp. 78-imi nukappiaqqat 'Pikitsitsinersuaq' oqallisigivaat, Jonah oqarpoq: "Ila eqqarsartariaatsit ineqnaannarporluunniit, isumaqarpat silarsuaq naapertuulluurtumik ingerlasooq?... Pisuut pinikkaluttuinnarput, uagullu ...Nammineq pisuulluta pissutsit atukkagut akueriartuaaginnarpagut." Taama oqarnera qanoq isumaqarfigaasiuk? Ullumikkut aamma taamaattoqarsinnaava? Aap/naamik sooruna?




Nunat anguniagaat 13 silap pissusaanut suliniummik – silap pissusaata allanngoriartorneranut akiuniarnermik imaqrpoq.

- Qupp. 74-imi silap pissusaanut tunngasut assigiinngitsut oqaluttuarineqarput. Taakku qanoq oqaluttuamut uunga attuumassuteqarpat? Aamma silap pissusaata allanngoriartorneranut attuumassuteqarpat? aap/naamik sooruna?

Anguniakkat 17-it pillugit uani paasisaqarnerusinnaavusi:

<https://heleverdeniskole.dk/verdensmaalene/de-17-maal/>



Nutaarsiassalerinermi pingaarnersiueriaaseq

Allakkaanni ass. aviisimut, oqaluttuarisap allaaserinerata ilusaa pingaaruteqarpoq. Nammineq allattutut allatap aallaqqaataaniit naanissaanut pissanganartutut isigigaluarlugu, qulakkeerneqarsinnaangilaq ilumut atuartussap allataq tamaat atuassaneraa. Taamaattumik pingaaruteqarpoq nutaarsiassalerinermi pingaarnersiueriaatsip ilusaa atorlugu allannissaq.

Nutaarsiassalerinermi pingaarnersiueriaaseq malillugu allakkaanni oqaluttuap pingaarnersaa siulliullugu oqaluttuarineqartarpoq immikkuualuttortaa allaatigisami kingulliullugit allanneqartarlutik. Taamaalilluni atuartartup paasissutissat pingaarutillit pissarsiarissavai, immikkoortuata siulliup atuarnani.

Immikkoortumi siullermi atuartartup apeqqutit uku akissutissarsissavai:

Kina (pisoq kimut piva)

Suna (pisumi susoqarpa)

Sumi (pisoq sumi piva)

Qanga (pisoq qanga piva)

Qanoq (pisoq qanoq piva)

Sooq (pisoq sooq piva)



QANGA, ULLUMIKKUT SIUNISSARLU

Qanga pisut pillugit oqaluttuat Ghanami immikkuullarissumik oqariartaaseqarpoq. Tassaavoq oqaaseq Sankofa isumaqartoq "uterfigiuk tigullugulu" ghanamiutut taaguuteqartoq **akan**. Sankofa aamma ghanamiut ussataattut atorineqartarpoq "puigugaqaraanni uterfiginissaa kukkunerunngisaannarpoq."

Sankofa isumaqarpoq qanga pisimasut ilikkagaqarfiusinnaasut. Oqaluttuarisaaneq paasisaqarfiginiarlugu siunissamilu pitsaanerumik iliuuseqarsinnaajumalluni ilaatigut artornartut eqqaamanissaat pisariaqartarpoq.



SANKOFA



Sankofa timmissatut tunummut qatikkamini manimmik tigusilersutut takutinneqarnerusarpoq. Iluseq ima isumaqartinneqarpoq: Pereersuni pingaarutillit tigukkit siunissamilu pitsaasumik pilersitaqarnissannut atorlugit.




Oqaluttuap iluarsartuunnerata ilusia (Berettermodellen)

Oqaluttuap iluarsartuunnerata ilusia misissueqqissaarnermut atugassatut ilusilerlugu sanaajuvoq, naatsukullalianut, takisuulianut isiginnaagassianullu atorneqarsinnaasoq.

Atuartartutut oqaluttualiap iluarsartuunnerata ilusia atorlugu allatami pisut nalinginnaasut ingerlaneranni pissanganarnerata sannaq tamakkiisumik takusinnaalissavat. Illimmi aamma nammineq oqaluttuamik allasaguit atortorisinnaavat pingaarutilik.

Pissanganarnera
oqaatsillu atorneqartut
sakkortussusaat
(Spænding og
udtrykstyrke)



Oqaluttuap iluarsartuunnerata ilusia (berettermodellen) immikkoortunut 7-inut agguagaavoq:

Aallarnisaat (Anslag):

Aallarnisaat kajungilersitsiniaasuvoq atuartumik tiguaasussaq. Oqaluttuap sammisaa oqaluttuamiluunniit akerleriissut pisoqassamaartitsilissaaq.

Ilisarititsineq (Præsentation):

Inunnik, piffissamik piffimmillu ilisarititsineq. Sisimiuniippugut imlt Afrikap narsarsuniippugut? Oqaluttuami inuttat pingaarnerit kikkuppat, qanorlu imminnut attaveqarpat?



Itisiliineq (Uddybning):

Itisiliinermi oqaluttuami inuttat pingaarnersaata qanoq ittuunera erseriartuaartarpoq. Allatami pisussaq ingerlaalertarpoq.

Point of no return:

Point of no return kalaallisut taaneqarsinnaavoq`uteriartoqarsinnaajunnaarfia`allatamilu inuttat pingaarnersaata uteriaqqissinnaajunnaarnera ersarissitinneqartarluni. Oqaluttuami akkerliissutip aporaassutaanissaata pinngitsoorneqarsinnaajunnaarnera ersarissisarpoq.

Saqitsaassutip sakkortusiartornera (Konfliktoptrapning):

Inuttat akkerliissutaat sakkortusiartorpoq inaarutaasumillu aporaattoqarnissaanik tikkuussilluni.

Allatap pisoqarfiunerpaaffia (Klimaks):

Oqaluttuami pisoqarfiunerpaaffia aporaassutip aalajangiiffiqineqarneraniittarpoq. Ajortoq ajunngitsorlu, sapiitsuliortoq inupilullu, toqqissisimaneq paatsiveerunnerlu... illuatungeriilertarput ajugaaniutilertarlutillu.

Naajartuaarnera (Udtoning):

Oqaluttuap naajartornera "eqqissiertortumik" inaarneqassaaq. Pissutsit sungiusimasat imlt pissutsit allarluinnaat atuutilersimassapput. Oqaluttuap matoqqasumik, ammasumik imlt ammagajattumik naaneqassaaq.

Matup affaa

Uani 'matup
affaani' inuup
allaatigineqartup nunaa
takutinneqassaaq.

Tunua

Tunuani inuup
allaatigineqartup
siunissamut takorluugai
takutinneqassapput.

Matup affaa

Uani 'matup affaani'
folderimi inuk pineqartoq
takutinneqassaaq

Uani inuk pineqartoq pillugu oqaatigerusutatit pingaarutillit pingasut inissaqarput.
Immikkoortut ataasiakkaat titartakkamik imaluunniit allatamik naatsumik takkajaamilluunniit imaqarsinnaapput

Iluseq una atuakkamik oqaluttuamilluunniit saqqummiinissamut siunnersuutaavoq alutornartoq. Uani suliaasaq AtuaRaketimi inuit allaaserineqartut ilisaritinnissaannut tulluarsagaavoq. Issuagassaq anillatseriarlugu uani assimitut peqiterneqassaaq. Atuartut suliaassartik kartonimut sanassavaat assimiittutullu peqititerlugu. Kartonit peqitersimasut saqqummersitaliaralugit takujuminartuusarput :-)

